

Član 12.

Iznos kratkoročne novčane pomoći isplaćivat će se u više dijelova tokom godine, a najviše 50,00 do 100,00 KM mjesečno.

Maksimalni iznos kratkoročne novčane pomoći je 200,00 KM godišnje.

Član 13.

Isplate kratkoročnih novčanih pomoći izvršene do stupanja na snagu ove odluke ulaze u obračun maksimalnog novčanog iznosa koji se po tom osnovu može isplatiti u jednoj kalendarskoj godini.

Član 14.

Općinska služba za boračka pitanja, zdravstvo i socijalnu zaštitu vodit će knjigovodstvenu evidenciju isplaćenih novčanih pomoći iz ove odluke.

Član 15.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-49-173/01	Predsjedavajući Općinskog
12. septembra 2001. godine	vijeća Stari grad Sarajevo
Sarajevo	mr. Ismet Ovcina , s. r.

Na osnovu čl. 2. i 7. Zakona o nadzidiivanju zgrada, izgradnji potkrovnih stanova i stanova u zajedničkim dijelovima stambenih i stambeno-poslovnih zgrada ("Službene novine Kantona Sarajevo", broj 17/99) i člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj 12. septembra 2001. godine, donijelo je

ODLUKU

**O IZMJENAMA I DOPUNAMA ODLUKE O
KRITERIJIMA I MJERILIMA ZA STICANJE PRAVA
PRVENSTVA DRUGIH INVESTITORA PUTEM
KONKURSA ZA NADZIDIIVANJE ZGRADA,
IZGRADNJU POTKROVNIH STANOVA I STANOVA U
ZAJEDNIČKIM DIJELOVIMA STAMBENIH I
STAMBENO-POSLOVNIH ZGRADA**

Član 1.

U Odluci o kriterijima i mjerilima za sticanje prava prvenstva drugih investitora putem konkursa za nadzidiivanje zgrada, izgradnju potkrovnih stanova i stanova u zajedničkim dijelovima stambenih i stambeno-poslovnih zgrada ("Službene novine Kantona Sarajevo", broj 13/01), iza člana 1. dodaje se novi član 1.a) koji glasi:

"Član 1.a)

Za određeni broj lokacija pogodnih za nadzidiivanje, a najviše 5% od dijela sa kojim raspolaže Općina, načelnik Općine može neposredno utvrditi pravo prvenstva za nadzidiivanje kada se radi o rješavanju stambenih pitanja istaknutih stručnih, naučnih, kulturnih i javnih radnika za čijim radom postoji potreba i interes Općine, Grada i Kantona Sarajevo.

Pravo prvenstva u smislu prethodnog stava načelnik Općine može utvrditi na osnovu obrazloženog prijedloga gradonačelnika, odnosno predsjednika Kantona Sarajevo i dužan je o tome upoznati Općinsko vijeće."

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-49-176/01	Predsjedavajući Općinskog
12. septembra 2001. godine	vijeća Stari grad Sarajevo
Sarajevo	mr. Ismet Ovcina , s. r.

Na osnovu člana 5. Zakona o preuzimanju, izmjenama i dopunama Zakona o zakupu poslovnih zgrada i prostorija ("Službene novine Kantona Sarajevo", broj 14/97), Odluke o općim, jedinstvenim kriterijima dodjele u zakup poslovnih zgrada i prostorija kojima pravo raspolaganja imaju općine na području Kantona Sarajevo ("Službene novine Kantona Sarajevo", broj 19/97) i člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj dana 12. septembra 2001. godine, donijelo je

ODLUKU

**O IZMJENAMA I DOPUNAMA ODLUKE O DAVANJU
U ZAKUP POSLOVNIH PROSTORA KOJIMA PRAVO
RASPOLAGANJA IMA OPĆINA STARI GRAD
SARAJEVO**

Član 1.

U Odluci o davanju u zakup poslovnih prostorija kojima pravo raspolaganja ima Općina Stari grad Sarajevo ("Službene novine Kantona Sarajevo", br. 4/98, 10/98 i 13/01), u članu 8. stav 1. dodaje se alineja dvanaest, koja glasi:

" - privrednim društvima sa većinskim stranim kapitalom."

Član 2.

U članu 13. dodaje se stav 2. koji glasi:

"Općina Stari grad Sarajevo može sa stranim ulagačem zaključiti ugovor o dugoročnom zakupu poslovnog prostora. Dužina dugoročnog zakupa odredit će se shodno visini ulaganja i kriterijima na osnovu kojih se zaključuje ugovor o zakupu u skladu sa Zakonom o preuzimanju, izmjenama i dopunama Zakona o zakupu poslovnih zgrada i prostorija".

Član 3.

Ova odluka stupa na snagu danom objavljivanja u "Službenim novinama Kantona Sarajevo".

Broj 02-49-177/01	Predsjedavajući Općinskog
12. septembra 2001. godine	vijeća Stari grad Sarajevo
Sarajevo	mr. Ismet Ovcina , s. r.

Na osnovu člana 26. Zakona o lovstvu ("Službeni list SRBiH", br. 7/77 i 30/90 i "Službeni list RBiH", br. 4/93 i 13/94), člana 29. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00) i člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj dana 12. septembra 2001. godine, donijelo je

ODLUKU

**O USTANOVLJAVANJU JEDINSTVENOG LOVIŠTA
NA PODRUČJU OPĆINA STARI GRAD, CENTAR,
NOVO SARAJEVO I NOVI GRAD**

Član 1.

Ovom odlukom sporazumno se ustanovljava jedinstveno lovište za lovne površine koje se kao prirodna i zaokružena lovno privredna cjelina prostiru na području općina Stari Grad, Centar, Novo Sarajevo i Novi Grad (u daljem tekstu: lovište).

Lovište iz prethodnog stava obuhvata:

- lovište "Crepoljsko" površine 15.800 ha,

- lovište "Tilava" površine 8080 ha.

Član 2.

Za lovište iz člana 1. ove odluke utvrđuje se jedinstven naziv "Sarajevo".

Član 3.

Određuje se granična linija lovišta "Sarajevo" kako slijedi: granica lovišta polazi od tromede granica Općina Stari Grad i Ilijaš sa Republikom Srpskom u mjestu zv. Vjetrena Glava, prije Karaule. Zatim granica ide sjeverozapadno na kotu (1400) ispod Bijele Stijene, potom Lješnica te Peračkim potokom na tromedu općina Stari Grad, Centar i Ilijaš. Granica produžava Peračkim potokom sve do mjesta zv. Vila gdje se granica odvaja prema koti (1103) ispod mjesta zv. Lopata, kosom Bjelosave do mjesta zv. Saračevac, zatim na kotu (712), naseljem Gornji Hotonj-Slatina ispod Kobilje Glave, gdje izlazi direktno na Humsko Brdo, a ispod brda Hum gdje je i granica općina Vogošća, Novo Sarajevo i Novi Grad. Odatle granica ide zapadno prema naselju Grahovište, preko kote Orlić (878), potom kota Žuč (850), te mjesto Kula, Krčevina, Golo Brdo te na koti (682) u mjestu Gradac. Granica presijeca autoput Sarajevo-Zenica u mjestu zv. Ravne, produžava potokom Ostrig na kotu (541) u mjesto zv. Korpivnica kota (770) potom kroz mjesto zv. Grad na kotu (860) te na tromedu općina Novi Grad, Vogošća, Ilijaš na koti (903) u mjesto zv. Paljevo. Odatle se granica lomi zapadno prema mjestu zv. Kračevi, kota (889) preko Sretenova Grebena, potom na kotu zv. Šiljak (817) te preko Golog Brda na Krastavac. Granica produžava ravno na tromedu općina Novi Grad, Ilijaš i Ilidža ispod kote Mali Ostrič (838). Granica nastavlja južno prema naselju Vlakovo preko kote (646) zv. Kosa, potom mjestu zv. Zirak na koti (610), te mjestu Draskić na kotu (567), silazi u mjesto Treševine na kotu (522), zatim pored mjesta Butila presijeca rijeku Bosnu, te magistralni put Stup - Dobroševići kod kote (487) na mostu u Bojniku. Granica produžava rijekom Bosnom do ušća rijeke Miljacke u Bosnu, zatim rijekom Miljackom do fabrike Standard, presijeca put Sarajevo-Ilidža iza studentskih domova ulicom Aleja Bosne Srebrene na rijeku Dobrinju i sve Kasindolskom ulicom na liniju razgraničenja sa Republikom Srpskom u mjestu zv. Bijelo polje. Granica nastavlja linijom razgraničenja sa Republikom Srpskom kroz Dobrinju I i IV, te na Debelo brdo na kotu (665), iza Mojmila u mjestu zv. Boguševica gdje je i tromeda općina Novi Grad, Novo Sarajevo sa Republikom Srpskom. Granica produžava entitetskom linijom preko naselja Hrasno brdo preko Vraca, zatim na Vranjače gdje je i granica općina Novo Sarajevo, Centar sa Republikom Srpskom. Granica produžava istočno do mjesta zv. Grad gdje je tromeda općina Centar, Stari Grad sa Republikom Srpskom. Zatim izlazi na put Lukavica-Pale, preko Trebevića, putem do mjesta Bistrik kula na Odmaralištu, gdje se odvaja prema mjestu zv. Dobra Voda na kotu (1251). Granica skreće prema sjeveru kroz mjesto Brus gdje ponovo presijeca put Lukavica-Pale. Granica izlazi na Mardžanov klanac, presijeca rijeku Miljacku, zatim put Sarajevo - Pale zapadno od Kozije ćuprije. Granica ide zapadno od Hrastove Grane, iznad naselja Faletići na vrelo Moščanica, zatim na Debelo Brdo, potom na Vratolom do Bijelih voda, zatim kroz mjesto Vratolom na Babin potok zapadno od Vranjskih stijena kroz mjesto Doline gdje se granica lovišta spaja u mjestu Vjetrena glava odakle je i počeo opis granice.

Član 4.

U lovištu se ustanovljavaju lovni reviri sa granicama za područje općina kako slijedi:

1. Općina Stari Grad
- "Crepoljsko" i "Trebević"

Granica za revire iz tačke 1. ovog člana je administrativna granica Općine Stari Grad, a između ova dva revira je granica rijekom Miljackom.

2. Općina Centar

- "Slatina"

Granica revira je administrativna granica Općine Centar

3. Općina Novo Sarajevo

- "Hum"

Granica revira je administrativna granica Općine Novo Sarajevo;

4. Općina Novi Grad

- "Ahatovići - Bojnik"

Granica revira je administrativna granica Općine Novi Grad.

Član 5.

Lovno privredna osnova mora biti u skladu sa odredbama ove odluke.

Član 6.

Stupanjem na snagu ove odluke prestaje da važi Odluka o ustanovljavanju jedinstvenog lovišta "Crepoljsko" na području općina Stari Grad i Centar ("Službene novine grada Sarajeva", broj 28/81).

Član 7.

Ova odluka stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se kada je usvoje svi subjekti iz člana 1. stav 1. ove odluke.

Broj 02-49-178/01 12. septembra 2001. godine Sarajevo	Predsjedavajući Općinskog vijeća Stari grad Sarajevo mr. Ismet Ovčina , s. r.
---	--

Na osnovu člana 21. Statuta Grada Sarajeva ("Službene novine Kantona Sarajevo", br. 12/98 i 14/98) i člana 25. Statuta Općine Stari grad Sarajevo ("Službene novine Kantona Sarajevo", br. 10/98 i 17/99), Općinsko vijeće Stari grad Sarajevo, na sjednici održanoj 12. septembra 2001. godine, donijelo je

RJEŠENJE

O IZBORU DELEGATA U GRADSKO VIJEĆE GRADA SARAJEVA

I

U Gradsko vijeće Grada Sarajeva bira se SANELA DIZDAR, vijećnik Općinskog vijeća Stari grad Sarajevo.

II

Ovo rješenje objaviti u "Službenim novinama Kantona Sarajevo".

Broj 02-49-174/01 12. septembra 2001. godine Sarajevo	Predsjedavajući Općinskog vijeća Stari grad Sarajevo mr. Ismet Ovčina , s. r.
---	--



SLUŽBENE OBJAVE



LIKVIDACIJE

Kantonalni sud u Sarajevu, objavljuje slijedeći

O G L A S

Likvidaciono vijeće Kantonalnog suda u Sarajevu rješenjem broj L-101/01 od 19. 09. 2001. godine, otvorilo je i istovremeno zaključilo postupak likvidacije nad firmom "ALONE", društvo jednog lica za inženjering, konsalting, trgovinu i usluge Sarajevo sa sjedištem u Sarajevu, ulica Avde Smajlovića broj 13.